

太上洞玄靈寶无量度人上品妙經註卷中

上陽子曰經者道也敬也道則遵之而行敬則守之勿失世
知所敬者三寶也夫三寶實妙道之宗以道用釋則曰身中
三寶以世法釋則曰教中三寶其身中三寶有二事也曰教
中三寶有二說也今言道中三寶曰道經師三寶有今科古
科三寶此二說也道乃元始玄一之祖炁以生天地人物是
爲道寶經乃玉晨道君演元始玄一之道爲萬世梯筏是爲
經寶師則老君降授張天師經錄以傳世流教是爲師寶教
之源流實遵天師而亦有二說也故教中以前三寶爲今科
以後三寶爲古科而其號稱亦異此世法化俗之說若言道

道藏輯要

度人妙經註

三

九集六
上

用則是身中三寶有二事也元始玄一至真之精曰天寶亦
曰道寶上清金液先天之炁曰靈寶亦曰經寶混元无極至
真之神曰神寶亦曰法寶此身中之三寶非此三寶不能還
丹不能成佛不能成仙而三寶大有金書言天寶靈寶神寶
皆分炁而化亦身中之三寶若論還丹金液之道則身中三
寶又有二說神炁精爲內三寶耳目口爲外三寶能尊其外
三寶而不妄動則內三寶方結還丹而成胎嬰也故夫真文
寶符龍章鳳篆玉笈金書三洞奧典三十六部萬八千篇皆
出於三寶中曰經所以經卽丹也卽先天之一炁也此度人
經乃玉晨道君演元始之道以授玄一真人玄一授天真皇

人天真皇人依道君所傳書而成文以爲經故每章以道言
置首唯本章與玉歷二章不題道言乃皇人直以元始之道
而書之然皆道君之所授今人以有道言者爲序无道言者
爲經非也有誦二章而不誦前經者尤非也前標太上洞玄
靈寶无量度人上品妙經者皇人所標也此則直標元始无
量度人上品妙經者道君所標也然經之源流所傳亦別而
諸經皆出於道君故道君爲經寶經體道而行道因經而用
若論金液還丹則經先丹而行丹後經而用借經表丹則曰
先天无上靈寶九還金丹假道說經則曰元始无量度人上
品妙經頌曰元始先天神炁精玄功无量最神靈度人度我

道藏輯要

度人妙經註

三

九集六
六八

須人度上品丹方是妙經

元始洞玄靈寶本章上品妙首十迴度人百魔隱韻離合自然
混沌赤文无无上真元始祖劫化生諸天開明三景是爲天根
上无復祖唯道爲身五文開廓普植神靈无文不光无文不明
无文不立无文不成无文不度无文不生是爲大梵天中之天
鬱羅蕭臺玉山上京上極无上大羅玉清渺渺劫仞若亡若存
三華離便大有妙庭金闕玉房森羅淨靈大行梵炁周迴十方
中有度人不死之神中有南極長生之君中有度世司馬大神
中有好生韓君丈人中有南上司命司錄延壽益算度厄尊神
迴骸起死无量度人今日校錄諸天臨軒

上陽子曰此章渾是道用元始太極未分先天之祖炁洞玄三洞玄奧萬法之真宗靈寶本章性也有也體也命之應也玄之根也老子曰有物混成先天地生是以能生物生人也上品妙首命也无也用也性之應也牝之門也紫陽真人曰白虎首經至寶華池神水真經以其能生佛生仙也迴者復也還也在經則曰十迴度人在丹則曰九還金丹此經所以爲三洞之冠者在一度字也求仙作佛必先明度字方能復此元陽真炁以結還丹百魔隱韻身中六根八識三魂七魄三部八景二十四神未知行道之人皆爲其汨亂心君引歸慾界故曰百魔今旣修鍊太丹則百魔受制更無惱試離合

道藏輯要

度人妙經註

三

元集六
卷之八

自然蓋還丹之道雖曰有爲而非強爲一離一合皆出造化之自然悟真篇曰二物會時情性合五行全處虎龍蟠者此也混沌赤文卽本來之真性不壞之元神青元真人曰元爲萬物之根立乎大象之首運化而无窮始爲恍惚之初在乎萬化之先獨尊而變遷洞玄洞觀玄一化度天人靈寶在天曰靈在世曰寶本章具載修真合道之本上品獨得其玄方便設教妙首眾妙之首萬法之宗天地虛妙而清陰陽同妙而純日月含妙而明五行合妙而精萬物盡妙而真內義曰上品妙首金液還丹无上妙道之冠十迴度人十月之功度世爲仙百魔隱韻丹之異名離合自然喻金木間隔復能互

并水火相尅復成既濟自然而成造化混沌亦文萬物之本
源眾生之真性一炁之祖萬神所宗西昇經曰虛无生自然
自然成大道夫道者无形无體卽先天一炁而化生萬物爲
天地造化之本修金丹者體循造化以虛无自然先天真一
之炁名曰空炁金胎生金母而作丹基此炁父母未交之前
與混沌同體故曰混沌父母媾精之後此炁歛然感附謂之
陽精喻爲銀鑛名曰元神藏在坤宮故謂之性卽本來面目
未生之前謂之陰金已生之後謂之陽鉛是爲五金之母參
同契曰徑指天地之靈根將爲藥祖明示陰陽之聖母用作
丹基天地混沌之先此炁結而成玉字故曰赤文乃无上可

道藏輯要

度人妙經註

雷

元集六
卷之八

上至真妙道故曰无无上真也元始祖劫化生諸天元炁始
炁於祖劫初化分三炁而生三天曰清微天禹餘天太赤天
三天之炁化分九炁而生九天曰始青天青元天始丹天太
丹天始素天大素天始玄天大玄天青微天九天梵炁化分
而生九霄九天曰大霄暉明流光素景天青霄元真寶曜天
碧霄總生開靈傳道天絳霄太平應化道主天丹霄中極至
妙變空天玉霄皓元威德耀晶天琅霄飛青元關傳濟天紫
霄合景雙闕化身天神霄玉清妙景大有天九霄梵炁化分
下生九天卽生神九天一南方鬱單无量天二西北禪善无
量壽天三東方梵監須延天四西南寂然兜術天五東南波

羅尼密不驕樂天六北方洞元化應聲天七西方靈化梵輔
天八東北高虛清明天九中央无想无結无愛天又生大羅
上清玉真三十六天下生四種民天種民天之下下一百三十
五萬八千里生无色界四天无色界之下三十六萬里生色
界一十八天色界之內有輕塵六天細塵六天麤塵六天色
界之下三十萬里生欲界六天欲界之下五百二十億萬里
化生五億諸天八圓世界四種民天之上布日月星辰主持
萬物故曰開明三景人之生亦類是也父精母血包于母腹
精血未凝如珠似露凝結之後生形五辦頭與四肢男子先
生左腎次右命門女則反是本性繼種於兩腎之間妙化之

道藏輯要

度人妙經註

三

元集六
x116

炁自然生發次則上生兩瞳神水以至化生五臟六腑九竅
百脉筋骨齒髮炁足形全脫胎而生故老君曰天地媾精陰
陽布化一月爲胞精血凝也二月爲胎形兆胚也三月陽神
爲三魂動以生也四月陰靈爲七魄靜鎮形也五月五行分
五臟以安神也六月六律定六腑用資靈也七月七精開七
竅通光明也八月八景神具降真靈也九月宮室羅布以定
精也十月炁足萬象成也故神布炁滿三萬六千關節根源
本始一時生神此爲化生諸天開明三景是爲天根本起經
曰夫道得三乃成故三合成德道不滿三諸事不成以內言
之則曰鉛汞砂直指其物則我真性并日用妙化陰陽二炁

合而成三上无復祖唯道爲身老君化胡經曰道者元炁虛无天地從之而生萬物資之而形皆祖炁之妙化在道則曰金丹故曰上无復祖唯道爲身也五文開廓普植神靈在丹則一炁復而變造五行五行具而成金胎在經則玉字出而結爲赤文五文具而植神靈五行者鉛汞砂銀土天一生水坎中藏鉛地二生火離中產砂天三生木震龍主汞地四生金兌虎體銀天五生土中宮結丹道非此不光文非此不明身非此不立丹非此不成炁非此不度藥非此不生是爲大梵天中之天大梵者先天炁凝而五行大備天中之天者身中有身也鬱羅蕭臺腦際也玉山上京泥丸也上極无上泥

道藏輯要

度人妙經註

三

亢集六
卷之六

丸之上大羅玉清太玄也太玄內祕一機名日月高奔神化脫胎之要黃庭經曰高奔日月吾上道乃見玉清虛无老渺渺劫仞至高至尊若亡若存卽張真人云視之不可見其形及至呼之又卻膺三華離便頂顛屬南南本三數頂爲華蓋又曰圓蓋南屬離離爲午位三華爲金華玉華九華內丹已結而頂有三華大有妙庭卽上丹田乃百關總會之穴金闕玉房日宮爲金闕左目也月宮爲玉房右目也森羅星宿也言日月星宿列布而一身九竅靈澄大行梵炁卽先天妙炁周迴十方言妙炁營衛金胎神室溫養大丹如上皆道用略註尙有至妙之妙心傳方可內景既露外景須明今復釋以

世法庶幾賢愚各具眼目也混沌赤文自混沌之炁結而成
赤文文字既出而妙經行妙經行則祖炁具在人身散分于
物類之內是曰无无上真之謂也元始祖劫化生諸天元始
以道祖而鎮大劫以祖炁而化生諸天祖炁分三炁而隸大
羅三清之界故曰開明三景要知此炁遇大劫而不壞故曰
是爲天根此炁卽太極之始炁而生天生地生五行生人物
已故曰上无復祖道之在人身亦猶炁之在天地間故曰唯
道爲身赤文立而五文開廓經法行而普植神靈世无經文
則不能光明不能成立不能自度自生是經爲大梵極品之
音天中之天卽三清大羅聖境大者覆蓋萬天羅者包羅三

道藏輯要

度人妙經註

三

九集六
×××

界中有玉京山周迴八萬里下與崑崙對立山有鬱羅蕭臺
臺有七寶城上極无上有玉清殿又有三華離便之宮大有
妙庭皆天尊宴息之所金闕玉房瑤池翠水森森列布皆憑
梵炁周迴運轉故得久而長存此中有度人不死之神卽元
始分化之號南極長生君卽朱陵大帝治太微垣司火鍊之
事度世君主陽九百六之變司馬君主滅邪卻試好生君卽
青華之別名主詮校韓君主南昌品秩學人司命司錄主功
過予奪延壽益算主增注年命度厄尊神主消平厄難迴骸
起死君主升度死魂飛尸登晨今天尊說法臨集帝軒校圖
檢錄品度學人如人身與玉京无異金闕玉房丹田泥丸冥

然列布若一身神炁充滿則長生不死之神居其中亦如玉
京之梵炁周迴而无壞頌曰玉京山上鬱羅臺上品經詮演
十迴普植神靈行梵炁三華離便五文開

東方无極飛天神王長生大聖无量度人

南方无極飛天神王長生大聖无量度人

西方无極飛天神王長生大聖无量度人

北方无極飛天神王長生大聖无量度人

東北无極飛天神王長生大聖无量度人

東南无極飛天神王長生大聖无量度人

西南无極飛天神王長生大聖无量度人

道藏輯要

度人妙經註

三

元集六
川文

西北无極飛天神王長生大聖无量度人

上方无極飛天神王長生大聖无量度人

下方无極飛天神王長生大聖无量度人

十方至真飛天神王長生度世无量大神並乘飛雲丹輿綠輦

羽蓋瓊輪驂駕朱鳳五色玄龍建九色之節十絕靈旛前嘯九

鳳齊唱後吹八鸞同鳴獅子白鶴嘯歌邕邕五老啟途羣仙翼

輶億乘萬騎浮空而來傾光迴駕監真度生

上陽子曰十方飛天大聖皆元始道炁分形東方諱總南諱

飛西諱雲北諱无鏡東北諱梵東南諱那郁西南諱度仙西

北諱鑊炁上方諱瑛下方諱落一曰十方長生大聖一曰十

方救苦天尊奉元始命掌十方三界校量功德開度无量總括生死陶鑄學人藏經載八方諸天皆有无極大千世界東方无極諸天安大堂鄉大千納善世界南方无極諸天宛黎城境大千棄賢世界西方无極諸天福堂洲大千咸行世界北方无極諸天鬱單野大千清靜世界東北无極諸天福集都大千長安世界東南无極諸天元福田大千用賢世界西南无極諸天延福鄉大千仁靜世界西北无極諸天福德野大千延賢世界上方上清玉真三十六天玄都无極世界下方黃曾三十二天八圓无極世界无量大神主監得道長生度世之事青元真人曰輿輦輪蓋皆陽精之炁所成鳳鶴龍

道藏輯要

度人妙經註

三

九集六
x 18

鸞乃陰精之炁所化上聖之人具真常之道呼吸合散隨意現前陰陽悉諧如歌似曲皆炁所爲並非外物人若還丹功成陰魔亦化陽神元氣一呼萬神咸聽五臟神靈各隨方色自現輿輦儀衛來迎百骸眾神前導後從升舉朝元與此無異五老啟途東方青靈始老姓關諱開字靈威仰南方丹靈真老姓洞浮諱極炎字赤熛怒中央元靈元老姓通班諱元氏字含樞紐西方皓靈皇老姓上金諱昌開字曜魄寶北方五靈玄老姓黑節諱靈會字隱侯局十方大聖道位高尊乃感五老啟途而羣仙翼轅億乘萬騎浮空而來然皆法身之神丹經有曰神御炁炁留形傾光回駕玉光飛雲迴旋天尊

之法座領監眾真較度羣品以丹言則傾光迴駕乃坎離既濟陰陽已交真神化生溫養胎室故曰監真度生頌曰无極天真集藥官丹輿綠輦御浮空傾光迴駕羣仙慶陽長陰消妙化功

諸天丞相南昌上官韓司主錄監生大神執錄把籍齊到帝前隨所應度嚴校諸天普告三界无極神鄉泉曲之府北都羅酆三官九署十二河源上解祖考億劫種親疾除罪簿落滅惡根不得拘留逼合鬼羣元始符命時刻昇遷北都寒池部衛形魂制魔保舉度品南宮死魂受鍊仙化成人身受度劫劫長存隨劫輪轉與天齊年永度三塗五苦八難超陵三界逍遙上清道藏輯要

度人妙經註

罕

亢集六
X81

上清之天天帝玉真无色之境梵行

上陽子曰此道用世法兩事俱明世法諸天丞相天天各有丞相一云卽大羅神公南昌卽丹天世界上官卽朱陵火府韓司官中丈人卽司命也主鍊度文籍之事主錄乃天中宰協侍宸主錄勒籍之司監生主生魂鑄魄也太上說經各持錄籍齊到帝前校其應受度者或宿名玄圖骨相合仙或修齋奉戒功德積感或敬奉三寶善功徹天或供養師寶爲三官所稱名在諸天者各爲嚴行考校據功量品隨其高下應受升度也以道用則執錄把籍元始炁分而陰陽判三才旣立而文籍生內義曰顯諸仁則爲錄籍藏諸用則爲陰陽幽

明无錄籍功罪何所記天地无陰陽造化何由成故帝前卽中宮神室帝之所御四海輻湊神之所舍萬炁混凝喻陰陽交會于中宮神室故曰執錄把籍齊到帝前天尊說經的非虛言欲人行其道耳修學之人且當改過遷善守戒防淫去詐息機清心寡慾嗟夫世人逐末忘本賤命輕身英雄豪傑者爲功名所役聰明特達者爲進取所羈衣食富足者爲營計所籠貧窮困乏者爲口體所累其有出塵之士只樂逸豫以爲清淨无爲是修行誤矣何能得陰陽交會於神室哉隨所應度金丹之道要實工夫隨功受報十分工夫有十分受用一或滅裂其報亦滅裂雖所修至密所爲莫知然渺渺大

道藏輯要

度人妙經註

聖

亢集六
x 128

羅之天无不嚴校而紀錄者普告三界欲界色界无色界亦天地水三界也无極神鄉十方无極世界亦三界神庭廟社泉曲之府北有大海人身則號爲泉曲其穢惡黑腥莫測邊際爲江海之要府停錄罪魂北都羅酆太極之初清炁上爲圓蓋半清半濁之炁中爲人物重濁之炁疑爲羅酆在北陰之癸地高萬餘里周迴數千里上參碧落下際風泉黑鬱之炁盤礴其中山有六洞宮一曰紂絕陰天宮二曰泰殺諒事宗天宮三曰明晨耐犯武城天宮四曰恬照罪炁天宮五曰宗靈七非天宮六曰敢司連宛屢天宮每宮各有魔王主之人能持此六宮名常生敬畏者則魔王保舉削落罪名三官

九署三官爲三元上元在山之阿去天爲近天官領之主校功錄善升降品秩中元在山之左地官領之中有靈獄主治罪魂爲追呼之府下元在山之右去風壘近水官主之下有九四大獄寒冰之庭主治重罪鬼囚九署九壘土皇九令之司又有天上三官天官隸玉清境置三官九府三十六曹官僚皆化炁爲之總主上真玉虛高皇上帝諸天帝聖及世男女生命錄籍罪福學道仙籍中元地官隸上清境置三官九府四十二曹官僚皆世人有功高德重者爲之總主五嶽諸真得道神仙九地土皇八極諸靈官下元水府隸太清境置三官九府四十二曹官僚皆世人積善建功者補充總主水

道藏輯要

度人妙經註

聖

元集六
×七〇

帝河海九江水府及仙簿人民生死功過三元各有三官九府爲九署也十二河源一切水際分治罪魂之所天尊說經使爲學人上解祖考億劫種親削除三惡罪根更不拘留乘元始九龍符命而昇遷也北都寒池酆都洞陰之境有朔單鬱絕之都五炁天君主之九地之中北陰天君主之九水之中大溟水帝主之總號北都中有三界大魔五帝考官巨天力士勾校罪魂之神夫人生爲陽魂死爲陰魄若魂魄散亂莫可執持令其部衛形魂使不散壞乃得制魔保舉度品南官度品者若積諸善根則受鍊仙化若无功過受度人身若修行至經功滿則生身劫劫長存永度三塗一天塗色慾門

上尸道二人塗愛慾門中尸道三地塗貪慾門下尸道此爲
在世三塗如地獄鬼趣傍生爲陰界三塗也五苦者色累苦
心門愛累苦神門貪累苦形門華競苦精門身累苦魂門夫
學仙者被此三塗五苦所遏故云八難若能度之便超三界
也若論還丹則普告三界三丹田也无極神鄉一身萬神之
所泉曲之府卽慾海也北都羅酆乃愛根也學人不去愛根
則汨沒于慾海三官九署卽身中三元九宮十二河源人身
有十二愛河之源上解祖考人爲妄想所迷嗜慾所汨昏濁
沉滯不得清明如人祖禰拘滯鬼羣之化修鍊者要萬炁朝
生門百神守死尸疾除罪簿頓除慾想落滅惡根永絕妄緣
則出類拔萃更不逼合於鬼羣元始符命卽先天之眞炁符
竅也汞也陽中之陰龍之炁炁也命妙也鉛也陰中之陽虎
之炁炁也經云常无欲以觀其妙常有欲以觀其竅故先哲
云書符不知竅反被鬼神笑老子曰竊兮冥其中有精其精
甚眞其中有信此信卽符信也此爲元始符命其以元始眞
炁符合命門之祖炁何哉夫人之身稟元始祖炁而生至于
盛壯蹶趨於醉夢之場而此炁奔失若修行人先鍊陽中之
陰以留眞汞次鍊陰中之陽以求眞鉛一時刻中凝結成丹
則可覲升遷矣北都卽性根蕃生眞汞寒池卽命門蕃生眞
鉛當此鉛汞交姤性命混融直須把握一念部衛形魂若形

全魂復脉住炁停還丹始結故能制魔保舉度品南宮所謂
枯槁形骸將死之魂受此鉛火鍊度得神仙妙化之道以成
真人矣生身受度天尊顯此一句證出還丹之旨蓋此經非
只爲死者言乃修行人生身受此真炁以度且生身則陰陽
可全而造化可揣學人能以有生之身倒用五行修此大丹
以成高仙則劫劫長存隨劫輪轉與天齊年永度八難之苦
超欲界色界无色界凌四種民天而逍遙上清僻幽棲曰上
清有三十六天天帝皆道齊元始位列玉清故云玉真在元
色之境之上出造化之外憑梵炁而行出入無間非如三十
二天在乎三界之內也故曰梵行頌曰天帝玉真六六天丹
經是矣

東方八天

元始積九陽梵炁以成六天爲欲界二天爲色界天帝冕服
皆青

太皇黃曾天

異號淨天或稱觀史色黃次奎壁人修十善功凡一根淨者

成道備與齊年形神俱妙經功滿劫劫長存位上仙

他本有以此天帝名諱作元始靈書上篇者非也殊不知天
公經云大羅天自有靈書上篇并觀覺鬱縕龍篆正文在靈
書中篇前蜀本或置於下篇亦非也青元真人曰當從天公

生此天釋云四天王天

帝鬱繼玉明

正音開玄攝明天帝內諱鬱繼帝魔隱意玉明四字祕天之
紫極宮主長生錄

太明玉完天

或稱勝妙天色綠次壁人修二十善功二根淨者生此天釋
云忉利天

帝須阿那田

正音保玄道靈天王內文須阿隱音那田四字祕天之紫房
宮主度魂更生

道藏輯要

度人妙經註

聖

九集六
川

清明何童天

異號光天色黑次室人修四十善功三根淨者生此天一作
河童釋云夜摩天

帝元育齊京

正音明生九真天王隱諱元育真人內文齊京四字祕天之
九晨宮主布政教

玄胎平育天

異號梵天或稱忉利色赤次危人修六十善功四根淨者生
此天釋云兜率陀天

帝劉度內鮮

正音飄翰默然天帝隱名劉度內鮮四字祕天之元景宮主
召魔舉仙

元明文舉天

或云化樂色蒼次虛人修八十善功五根淨者生此天釋云
樂變化天

帝醜法輪

正音開生舒天帝內文醜異號法輪三字祕天之廣寒宮主
通行元炁

上明七曜摩夷天

異號化樂謂慾樂之極色黑次女人修一百善功六根淨者

道藏輯要

度人妙經註

異
亢集六
川三

生此天釋云化化自在天

帝恬憎延

正音延虛明天帝內音恬憎隱號延三字祕天之大陰宮主
開度幽難

虛无越衡天

或云初梵色碧次牛天人六根雖淨尙拘色塵乃升此天釋
云初禪梵眾天

帝正定光

正音鏡無翹天帝內文正定光三字祕天之大玄宮主无上
道

太極濛濛天

或云上梵色紫次斗天人一處塵淨升此天亦號初禪天釋云梵輔天

帝曲育九昌

正音阿難淨明天王隱號曲育總文九昌四字祕天之立都宮主鍊度朽骸

南方八天

元始積三陽梵炁以成八天屬色界四天爲麤塵四天爲細塵青晃赤旒朱服

赤明和陽天

道藏輯要

度人妙經註

聖

亢集六

或號少光色白次箕斗天人二處塵淨升此天亦號初禪天釋云大梵天

帝理禁上眞

正音治安保仙天王隱號理禁上眞四字祕天之長明宮主鍊仙成眞

立明恭華天

或云光音色黃次箕天人三處塵淨生此天亦號二禪天釋云少光天

帝空諸醜音

正音飛音炁靈天帝內文空謠醜音四字祕天之東華宮應

化一切

耀明宗飄天

或云无量光色綠次尾天人四麤塵淨生此天亦號二禪天
釋云无量光天

帝重光明

正音翹真英天帝總號重光明三字祕天之浩元宮主劫終
學仙之人

竺落皇笏天

異號初淨色青次心天人五麤塵淨生此天亦號二禪天釋

云光音天

道藏輯要

度人妙經註

咒

亢集六

帝摩夷妙辯

正音難玄明天帝隱諱摩夷內音妙辯四字祕天之清玄宮
主魔試學人

虛明堂曜天

異號嚴淨色赤次房天人六麤塵淨尚有細塵生此天釋云

少淨天

帝阿伽婁生

正音彌論玄明天帝隱音阿伽梵號婁生四字祕天之重華
宮主度學人

觀明端靖天

異號遍淨色蒼次氏天人一細塵淨生此天亦號三禪天釋云无量淨天

帝鬱密羅千

正音朗觀曜明天帝隱文鬱密內號羅千四字祕天之光華官主開度天人

立明恭慶天

或號无量淨色黑次亢天人二細塵淨生此天亦號三禪天釋云遍淨天

帝龍羅菩提

正音威清道立飛天內音龍羅帝君隱號菩提四字祕天之

道藏輯要

度人妙經註

咒

亢集六

開闔宮主得道人

太煥極瑤天

異號福愛勝色碧次角天人三細塵淨生此天亦號四禪天釋云福生天

帝宛黎无延

正音洞真永觀天王內文宛黎无延四字祕天之帝康官主教學人

西方八天

元始積七陽炁以成二天爲色界細塵天六天爲輕塵天青晃金旒白服

元載孔昇天

或云快樂色紫次軫角天人四細塵淨生此天亦號四禪天
釋云福受天

帝開真定光

正音開光竟真帝君內音開隱諱真定光四字祕天之延命
宮主鍊魂

太安皇崖天

異號極樂色白次軫天人五細塵淨生此天亦號四禪天釋
云廣果天

帝婆婁阿貪

道藏輯要

度人妙經註

畢

九集六

正音暉莫阿魂天君隱音婆婁帝魔內諱阿貪四字祕天之
開明宮主度善人

顯定極風天

或云廣樂色黃次翼天人細塵雖淨尚餘輕染生此天亦號
四禪天釋云无想天

帝招真童

正音回翹威天君祕號招真童三字祕天之大赤宮主度有
善功之魂

始皇孝芒天

或云上妙色綠次張天人一輕染淨升此天釋云无煩惱天

帝薩羅婁王

正音君華大權玉真隱文薩羅婁王四字祕天之大丹宮主
披夜開幽

太皇翁重淨容天

或云色究竟天色青次星以色塵漸除故云色究竟二輕染
淨升此天釋云无熱天

帝閔巴狂

正音惠威光帝君內文閔巴狂三字祕天之華蓋宮主召魔
集真

无思江由天

道藏輯要

度人妙經註

至

亢集六
川上

或號最上妙色赤次柳天人三輕染淨升此天釋云善見天

帝明梵光

正音郎明法元帝君內號明梵光三字祕天之明堂宮主開
度善魂

上揲阮樂天

或號自在色蒼次鬼天人四輕染淨升此天釋云善現天

帝勃勃監

正音鬱无真星天帝內文勃勃內號監三字祕天之運靈宮
品類天人

无極曇誓天

異號大自在亦云不還色黑次井天人五輕染淨升此天釋云色究竟天

帝飄弩穹隆

正音飛天虛英天魔內文飄弩天君隱諱穹隆四字祕天之
中无官主度仙

北方八天

元始積五陽梵炁以成四天爲无色界天四天爲種民天青
晃白旒皂服

皓庭霄度天

異號不空色碧次參井天人輕染雖淨尙餘結習升此天釋

道藏輯要

度人妙經註

卷三

亢集六
四時文

云无邊空處天

帝慧覺昏

正音無清明帝君內音慧覺昏三字祕天之瓊瑤宮主拔度
學人

淵通元洞天

異號大不空色紫次參天人色塵都忘但有心識升此天釋
云无邊識處天

帝梵行觀生

正音洗權道光天君內音梵行隱諱觀生四字祕天之眞元
官主度學人

太文翰寵妙成天

異號非想色白次背天人心識兩忘无觀漸妙升此天釋云
无所有起天

帝那育醜瑛

正音靈熏慧光帝魔内文那育醜瑛四字祕天之靈幽宮主
統理之事

太素秀樂禁上天

異號非非想色黃次畢天人結習漸忘无觀轉妙升此天釋
云非非想天

帝龍羅覺長

道藏輯要

度人妙經註

垂

九集六

正音陽威曜清天帝内文龍羅覺長四字祕天之九靈宮主
領錄魔王

太虚无上常融天

異號不動色綠次昂天人結習頓忘漸入神觀升此天釋云
不動天

帝總監鬼神

正音攝靈眞天帝攝魔内音總監鬼神四字祕天之力福宮
主校學人功過

太釋玉隆騰勝天

異號大不動天色青次胃天人結習頓忘神觀轉妙升此天

釋云大不動天

帝眇眇行元

正音空微道明帝君隱號眇眇行元四字祕天之日蓋宮主
召集仙聖

龍變梵度天

異號上妙天色赤次婁天人清淨无染證不空果升此天釋
云上妙天

帝運上玄玄

正音掬靈妙光天王內文運上玉真總音玄玄四字祕天之
靈寶宮進仙成聖

道藏輯要

度人妙經註

卷四

九集六

太極平育賈奕天

異號最上妙色蒼次奎天人洞入道妙證无上玄覺升此天
釋云最上妙天

帝大擇法門

正音永玄久生天王總文大擇法門四字祕天之天寶宮普
度學人

三十二天三十二帝諸天隱諱諸天隱名天中空洞自然靈章
諸天隱韻天中之音天中之尊天中之神天中大魔天中之靈
九和十合變化上清无量之奧深不可詳敷落神真普度天人
上陽子曰天帝內文隱名色服根塵皆天尊矜憫下愚命天

真皇人註釋下教於未聞者見洞神經內音經龍躋經本際
經天公經等黃曾至七曜六天爲欲界卽下界也初出凡欲
未除天中之人觸物染著初上二天身交爲欲其次二天接
手爲欲又次五天以口爲欲又次六天眼視爲欲以色欲故
交接陰陽故云欲界因其欲樂衰相易見壽命終盡復淪諸
趣若漸修習欲樂頓除升入色界名小乘道如大劫交火從
崑崙根起焚燒世界燄沖和陽天元炁潰散天乃淪壞越行
至曇誓天爲色界卽中界也此天之人有六色十八塵一塵
淨升一天十八塵淨升无色界天若稍貪著復墮欲界名中
乘道如大劫交水自東井起洪泉鼓波漂至極風天元炁潰

道藏輯要

度人妙經註

卷

九集六

散天乃淪壞皓庭至秀樂四天爲无色界卽上界也塵染俱
淨乃升此天太真科曰无色界中至真无情不交陰陽人若
化生但噉真炁无復形質修至一天唯存心識若心識除次
第而升炁觀道成洞入自然升種民天釋云菩提薩埵天大
乘道也如大劫交水火不到唯風浩蕩孝芒至霄度六天爲
風所壞元洞至秀樂元炁散而復合更无劫數常融至平育
四種民天洞入眞道乃升此天爲最上乘如大劫交三界壞
盡此天復生聖人以爲民種故號種民若丹成道備經功滿
就則升上清天也夫天帝魔神靈章之祕皆空洞之炁結成
一切神靈憑之變化猶還丹資元始祖炁九和十合之功以

成金胎胎嬰變化而身入上清矣无量之奧此丹最爲神化之奧深隱而不可詳述數落神真數散也落布也乃散真文布置諸天令其執持普度天人皆成妙道此道用世法之通釋也頌曰三十二天總是塵色身都寂現全身九和十合經功滿金闕宮中侍玉宸

今日欣慶受度歷關諸天請滅三惡斬絕地根飛度五戶名列太玄魔王保舉无拘天門東斗王筭西斗記名北斗落死南斗上生中斗大魁總監眾靈青帝護魂白帝侍魄赤帝養炁黑帝通血黃帝中主萬神无越青天魔王巴元醜伯赤天魔王負天擔石白天魔王反山六日黑天魔王監醜朗馥黃天魔王橫山

道藏輯要

度人妙經註

卷五

亢集六

擔力五帝大魔萬神之宗飛行鼓從總領鬼兵麾幢鼓節遊觀太空自號赫奕諸天齊功上天度人嚴攝北酆神公受命普掃不祥八威吐毒猛馬四張天丁前驅大帥仗旛擲火萬里流鈴八衝敢有干試拒遏上真金鉞前戮巨天後刑屠割鬼爽風火无停千千截首萬萬剪形魔无干犯鬼无妖精三官北酆明檢鬼營不得容隱金馬驛程普告无窮萬神咸聽三界五帝列言上清

上陽子曰前言今日校錄者是學人鍊己以積功此言今日欣慶受度者乃鍊炁以還丹大修行人最不易得者今日也鉛遇癸生今日也黃芽生處今日也既得今日是得其時又

有其才而有其人此爲欣慶受度也歷闕諸天若欲天人交感必先言語通誠請滅三惡先杜妄緣斬絕地根堅剛真性采鍊元始之炁炁飛度五戶以還元而名列于太玄天門者命門也當入室時魔王監真舉事使无拘滯天門青陽初回東斗主筭金華吐綻西斗記名取坎中陽北斗落死補離中缺南斗上生炁歸黃庭中斗總監眾靈也青帝姓常諱精明護魂治肝白帝姓混諱辱收侍魄治肺赤帝姓炎諱洞丹養炁治心黑帝姓玄諱明萌通血治腎黃帝姓麻諱忠慎中主黃堂制御萬神大洞玉帝錄云五帝與天地同存陰陽始判化生五行大修行入五帝降神而鍊金液降炁以結胎嬰青

道藏輯要

度人妙經註

卷

九集六
× 128

天魔王姓斌諱齒成赤天魔王姓佛諱由肅白天魔王姓赤名張市黑天魔王姓徐名直事黃天魔王姓天門名波狂皆主貪欲耗搖神炁故呼魔王五帝大魔卽天王也卽人身五官也發施生育之功主持金丹妙道承天尊勅攝之命各現帝相故稱五帝若居欲界以色聲香味觸魔試學人故云大魔萬神之宗爲一身之主宰天尊昔降此五魔有禦魔總真靈文令五帝符吏分衛五方青帝符吏名啟華赤帝符吏名明真白帝符吏名茂成黑帝符吏名守元黃帝符吏名升冥各安其方守衛靈文以禦魔試道用則四帝大魔屬彼涵元始梵炁亦稱諸天亦號金公亦曰太乙亦名白虎唯東方青

帝大魔屬此握生殺之柄亦稱本命元神亦號无位真人亦名金剛神王飛行鼓從彼四帝大魔飛行三界鼓集部從總領欲界鬼兵以示姪慾之道試魔學人魔幢鼓節此青帝大魔麾起旛幢鼓動旌節雖居色界不爲慾亂稟受元始梵炁真命察惡勸善故曰遊觀太空自號威雄赫奕之獨尊與彼四帝諸天齊其生育之功上天度人四帝諸天其中最善者曰上天其施度人妙化必先嚴行攝起北都羅酆檢舉愛根以鍊還丹庶令神公受命神公卽我元神號馬龍氏諱廓奕其稟受元始梵炁真命一切掃去貪淫不祥之鬼八威吐毒八威乃眼耳鼻舌身意六識并含藏傳送爲八識號曰八威

道藏輯要

度人妙經註

庚

亢集六
× 178

吐去色聲香味觸法之毒害不令惱亂然後金剛神王駕猛馬以四張遣天下前驅勇猛而進飭大帥仗旛堅固而行擲火萬里則光爍爍流鈴八衝則圓陀陀彼四帝諸天若稍有干試拒上天度人之道遏元始一炁之真使不能還元則金剛神王以金鉞而前戮巨天力士仗巨戈而後刑屠割五濁之淫鬼急如風火以无停蓋半時之功要疾速之意千千截首千妖屏迹萬萬剪形萬怪逃形彼无干試違犯三官三元也北酆真性也則三元專制真性洞明檢按鬼妖營窟不得容隱元始梵炁金馬黃道也驛程急遞也使此炁馳逐黃道而歸神室普告无窮一炁所臨萬神聽令三界卽三田五帝

卽五官皆列言奏功于上清也以世法則如經所言不釋亦明頌曰赫奕威雄正令行魔無干犯鬼无精一些祖无還丹就三界列言奏上清

元始玉厯龍漢延康眇眇億劫混沌之中上无復色下无復淵風澤洞虛金剛乘天天上天下无幽无冥无形无影无極无窮溟滓大梵寥廓无光赤明開圖運度自然元始安鎮敷落五篇赤書玉字八威龍文保制劫運使天長存梵炁彌羅萬範開張元綱流演三十二天輪轉无色周回十方旋斗厯箕回度五常三十五分總炁上元八景冥合炁人立立

上陽子曰二章爲經之脉爲丹之髓何也本章是鍊金液還

道藏輯要

度人妙經註

无

九集六

丹事故示赤文爲采藥之具十方浮空而來齊到帝前乃聚精會神至今日欣慶受度方乃合丹旣得一炁還元則身中五斗五帝効職驅邪逐去陰魔鬼炁故示萬萬剪形之功老子曰下德爲之而有以爲者本章之謂也此章是鍊玉液大丹事故示玉厯爲紀元之始所以无幽无冥无形无影者蓋炁初回而未帖得元始梵炁安鎮則萬範開張以至萬炁齊仙也九品經曰昔混元溟滓諸天未分元始肇形五劫初化乃命梵元祖晨道君肇錄天元運乘五劫故元洞者以成祖炁玉厯者以紀天元自一炁化分三因成九若龍若蜺蟠曲九道漠漠无極總九陽祖炁之元太上乃運梵合炁開始青

天元祖炁故東方得九炁以分天境劫號龍漢南方得三炁以分天境劫號赤明中央得十二炁以分天境劫號上皇西方得七炁以分天境劫號延康北方得五炁以分天境劫號開皇五劫既周昊天成象一炁混道八景流光八帝示形九霄分化結元洞五陽之炁爲玉歷乃命天皇真人以玉歷紀元洞之初劫運流復之本天真天民學仙功績升退之道青元真人曰天地生成始於龍漢終於延康幾成幾壞莫可億度故云眇眇每劫運壞天地蕩散山海消融物象一空无復形質唯元洞之炁混然不分沌然始構是云混沌當此之時暗包真一之水而五行未胚上无色象下无淵極上風下澤

道藏輯要

度人妙經註

卒

九集六

空洞虛无金剛之炁乘載天根幽冥言隱顯形影言物象窮極言分際溟滓言曠蕩當其混沌之中天上天下隱顯曠蕩莫分物象分際未別唯大梵之炁寥廓未有光影及後金風悉摩而生火四象化合而生土博載天地長養萬物此謂三境高真過度災劫乃比眾生沉滯生死輪轉无窮喻金丹返本如經劫運之難今幸梵炁還元尙无形象赤明開圖赤明元年玉歷定紀天地日月山川物象分判生長亦猶還丹之有位也四序推遷各得其所故曰運度自然亦猶還丹之无爲也元始安鎮敷落五篇元始觀梵炁結形刻玉成雲篆天章載妙元神真道五者故云五篇悟其妙者入其妙悟其元

者人其元悟其神者入其神悟其真者入其真悟其道者入其道故盡妙合元盡元合神盡神合真盡真合道字經火鍊故云赤書八威龍文文列蒼龍巨虬金獅麒麟白虎玄豹丹蛇巨獬之狀是云八威其文保制劫運使天長存也梵炁彌羅元炁所化曰梵炁先天地立爲大道根元始資之而御運天地賴之以生成彌覆三界羅絡諸天兩儀既張物象咸布故云萬範開張梵炁爲元化之綱流演於三十二天如輪運轉從无色界周回十方自斗至箕回度五常以日月五星合二十八宿故云三十五分總受高上天元之炁八景冥然交合以成立功故云炁入立立皆喻還丹將結胎嬰也頌曰无

道藏輯要

度人妙經註

全

九集六
卷上

形无影卻尋踪一炁周回顯聖功最是金丹靈妙處開張萬範廣神通

玄中太皇上帝高真汎景太霞嘯詠洞章金真朗郁流響雲營玉音攝炁靈風聚烟紫虛鬱秀輔翼萬仙千和萬合自然成真真中有神長生大君无英公子白元尊神太乙司命桃康合延執符把籙保命生根上遊上清出入華房八冥之內細微之中下鎮人身泥丸絳宮中理五炁混合百神十轉回靈萬炁齊仙仙道貴生无量度人上開八門飛天法輪罪福禁戒宿命因緣普受開度死魂生身身得受生上聞諸天諸天之上各有生門上陽子曰此明金丹道用玄中天心也卽人身正中之心太

皇元始也卽祖炁曰道寶上帝道君也卽金母曰經寶高真
老君也卽丹體曰法寶是爲一體三寶釋云清淨法身是性
圓滿報身是智千百億化身是行性與命合陰慘陽舒汎景
太霞嘯詠洞章梵炁始生汎然涵泳于元和之中金公乍還
快暢嘯詠於洞章之句金真朗郁金炁周行流響雲營炁營
鄴鄴玉音攝炁玉液煎鉛靈風聚烟鉛爲汞制紫虛鬱秀汞
結紫花輔翼萬仙功行外備千和萬合鍊成一塊自然成真
胎嬰已成真中有神胎已凝神長生主心无英主肝白元主
肺太乙主頭司命主神桃康主脾合延主腎執符把籙鍊炁
合神上遊上清楚炁上行出入華房自頂至踵頭有三華之

道藏輯要

度人妙經註

卷

九集六

庭體有曲密之房八冥之內皆炁通行細微之中无所不至
下鎮人身并泥丸下絳宮中理五炁佳黃庭合百神十轉而
百靈回我十月而萬炁齊仙身外有身真人出現仙道貴乎
長生太上无量度人八門有長生之門法輪乃運轉之道凡
世有罪福宿命仙家唯禁戒功緣形神普受開度死魂悉得
生身此身得受長生姓名上聞諸天諸天校錄功行隨品定
其生門功高則金闕侍宸行滿則上仙品級上陽子南嶽侍
趙老師聞人誦度人經問曰何云金剛乘天師曰莫要糊塗
你且從頭說來我先問你混沌赤文是何物就起揖問師曰
我聞這四字便一身冷汗言下卽悟把此經一串透過師卻

曰你知金剛乘天了也曰通身是汗師曰參須實參悟須實
悟更向上說句來曰如今超无色界了師鳴指一下曰如是
如是這般話頭道是機鋒不怕罪福禁戒忒恁泄露經旨所
特將來過平育天魔王卻肯保舉也此經尊妙不可稱量故
爲三洞上品道藏之首然體元始之意大槩唯欲存道說經
以明道使人知敬此道出經以泄道欲人知行此道是道爲
經之體經爲道之用因經顯道因道尋經世之凡夫聞經則
敬聞道則笑遇經則琅琅而念誦聞道則成羣而毀謗只如
道爲母經爲子世未有愛其子而詈其母也道之所以開天
地揭日月施風雨役雷霆今人聞雷霆則掩耳聞道則非笑
太上雖慈悲而不加譴然人之自取沉墜者爲當何如何謂
道何謂經全陰陽造化者謂之道全性命體用者謂之經有
陰而無陽不可以爲道有體而無用不可以爲經是道爲陰
陽之根經乃性命之用以真性合元命是配陰陽以外形合
內神是全體用夫唯元始還丹之道與人受胎本同人受凡
父母精血之初亦溟滓混沌而无形精血旣安一月爲胞二
月成胎三月生魂四月定魄五月分五臟六月開六腑七月
明七竅八月具八景九月相足十月氣全脫胎而生還丹之
道正類是也其受靈父聖母妙氣之初必九和十合而金炁
始來亦溟滓混沌洞虛寥廓无色无淵之可倚无形无影之

可依元炁安鎮五行敷落彌羅周回冥然凝合汎嘯朗營復
元歸空攝聚鬱輔含孕懷真生五臟理五炁合百神結胎嬰
號曰陽神出入神化但人受凡父母精血而生其質不靈金
丹是靈父聖母之炁而毓能變化飛行是謂性命雙修形神
俱妙頌曰混合百神賴此經此經尊妙甚分明天中梵炁胎
嬰就萬炁齊仙步玉京

中有空洞謠歌之章魔王靈篇辭參高真

第一欲界飛空之音

人道眇眇仙道莽莽鬼道樂兮當人生門仙道貴生鬼道貴終
仙道常自吉鬼道常自凶高上清靈爽悲歌朗太空惟願仙道
道藏輯要
度人妙經註
齋
亢集六
成不欲人道窮北都泉曲府中有萬鬼羣但欲遏人算斷絕人
命門阿人歌洞章以攝北羅酆東送妖魔精斬馘六鬼鋒諸天
炁蕩蕩我道曰興隆

上陽子曰靈寶經法云洞章乃龜山丹黃飛玄紫文非魔王
所爲尹真人侍老君西遊龜臺入七寶園觀其文修之有法
布此三章于世令人開悟超出三界昔天尊降魔魔王悉皆
稽首受事乃勅魔王郁默統治欲界勅魔王摩羅統治色界
勅魔王无明治无色界各歌謠章變化飛空警戒天人屏絕
欲鬼令人聞此飛空之音轉色欲苦歸清淨門自黃曾至摩
夷爲欲界六欲俱淨則升色界人道眇眇微而陽失仙道莽

蒼高遠難明生門者生人生物之門成仙作佛之門鍾離真人曰生我之門死我戶卽此門也爲人不悟則慾鬼當此之門爲樂天道好生爲貴而人苦趣鬼道高上清靈爽高上之人心清性靈其辭爽慨悲憫愚惑謠歌朗徹太空葛仙翁流珠歌曰流珠流珠役我區區忙忙汲汲忘寢失哺吾今六十憂赴三塗真人度我要大丈夫諦觀斯語豈非悲歌朗太空者乎太上留經之意願世人早證仙道不欲人趨邪道而終窮也北都泉曲府世之慾海中有萬鬼羣總皆色類若人耽迷則退算而絕命根學人爲阿人或居色界時歌洞章攝伏羅酆蓋北都羅酆乃人之慾根也慾根纔動羅酆起漫漫之黑雲六鬼交鋒妖精魘淋淋之苦雨學人到此要降伏之變欲界而爲長樂以鍊還丹化鬼妖而爲諸天以施靈藥則金光之炁蕩蕩而我丹道日興隆矣頌曰伶俐惺惺日夜忙誰分地獄與天堂好將冷眼看浮世喚醒阿人歌洞章

第二色界魔王之章

落落高張明炁四騫梵行諸天周回十方无量大神皆由我身我有洞章萬福成仙仙道貴度鬼道相連天地渺莽炁氛氛三界樂兮過之長存身度我界體入自然此時樂兮薄由我恩龍漢蕩蕩何能別真我界難度故作洞文變化飛空以試爾身成敗懈退度者幾人笑爾不度故爲歌音

道藏輯要

度人妙經註

奎

卷八 亢集六

自越行天至曇誓天共一十八天爲色界此天之人有形无
欲分麤細輕一十八塵塵染俱淨升无色界落落高張色天
遠大明炁四騫梵炁朗明无量大神我身魔試洞章萬徧結
習皆忘仙道貴度出于色界鬼道欲人相連色界丹陽真人
東州富室曰唯耽樂重陽祖師特往度之一見卽曰我來扶
醉人丹陽瞋曰如何是道曰五行不到處丹陽大悟從學登
仙此豈非仙道貴度者乎天地渺莽色境何窮南華經云物
來无窮我心有際穢炁氛結而不散三界樂兮過之長存
過此色界超三界天升上清境可以長存身度我界體入自
然色超色類不爲所迷得大自在薄由我恩因經悟道龍漢

道藏輯要

度人妙經註

卷六

九集六
八八八

蕩蕩真僞莫分我界難度色相未除豈能度脫魔境故作洞
章之文以相勉又變化飛空以魔試其間成者少敗懈退者
多笑爾不能出此色境故爲歌謠此文也頌曰色界天中十
八塵此心未淨卽非真要知我界何難度度者如今有幾人

第三无色界魔王歌曰

三界之上眇眇大羅上无色根雲層巖巖唯有元始浩劫之家
部制我界統乘玄都有過我界身入玉虛我位上王匡御眾魔
空中萬變穢炁氛葩保真者少迷惑者多仙道難固鬼道易邪
人道者心諒不由他仙道貴實人道貴華爾不樂仙道三界那
得過其欲轉五道我當復奈何

自皓庭至秀樂四天爲无色界太真科曰无色界中至真无
情色欲俱空无復形質之患修至一天唯存心識以入炁觀
炁觀道成上升一天又能去除心識以至无爲復升一天若
萬法在心若有若无又升一天若炁觀轉妙結習都忘洞入
自然卽升種民天也本際經曰煩惱爲結學業爲習結習已
盡超種民位洞入道境隨炁升降災所不及也青元真人曰
无色界中雖能離染忘色然未能遺忘尤以心識爲患故有
穢炁氛葩則鬼道易爲邪入偶失制御卽墜色界直須忘心
自遣觀空入妙老君經曰所空卽无无亦无湛然常寂方
是真靜昔浪子劉長生真人洛陽三年曰唯觀空遺忘愛根
纔動便乃誦曰北都泉曲府中有萬鬼羣但欲遏人算斷絕
人命門誦此謠章愛根斬然豈非阿人歌洞章以攝北羅豐
者乎此爲真實工夫所謂仙道貴實也世皆耽迷不樂仙道
轉輪五苦須欲提拔復柰之何頌曰无色天中甚麼无這回
心地莫糊塗他家不是閑花草要把真身入玉虛

此三界之上飛空之中魔王歌音音參洞章誦之百遍名度南
宮誦之千遍魔王保迎萬徧道備飛升太空過度三界位登仙
公有聞靈音魔王敬形勅制地祇侍衛送迎拔出地戶五苦八
難七祖昇遷永離鬼官魂度朱陵受鍊更生是謂无量普度无
窮有祕上天文諸天共所崇泄慢墮地獄禍及七祖翁

三界之上无非魔王之所居飛空之中徧歌謠章以魔試能
裨妙道故參洞章天尊說誦經曉世人以行道誦之百徧
猶梵炁之初回是云名度南宮誦之千徧猶胎嬰之已結故
云魔王保迎萬徧道備脫胎神化故云飛升太空此謂道備
若不修道只誦萬徧以望飛升者亦難矣經功圓成過度三
界還丹行滿位登仙公有聞靈音萬劫一遇魔王敬形道高
德重勅制地祇勅乃梵炁地卽戊土流戊就已返本還元拔
出地戶陰消陽長五苦八難超五行數除八識根永離鬼官
陰絕坤戶魂度朱陵陽聚離宮有祕上天文凡學道之人覩
經則寶愛而珍藏還丹則潛修而密鍊是謂之祕諸天共所
道藏輯要

度人妙經註

卷

亢集六

崇丹道與經皆圓諸天共所崇仰何謂泄慢輕易妄爲有聞
而不行或行而不祕皆受泄慢之禍恐墮地獄之中至於禍
及祖翁卽是喪盡元炁卻怨丹經妄語又謂太上空言益不
回思自己妄爲泄慢之過也頌曰何故謠章參洞章只緣地
獄與天堂儘知地獄惟心造好向天堂做一場
道言此二章並是諸天上帝及至靈魔王隱祕之音皆是大梵
之言非世上常辭言无韻麗曲无華宛故謂之奧難可尋詳上
天所寶祕於玄都紫微上官依玄科四萬劫一傳若有至人齋
金寶質心依舊格告盟十天然後而付焉

上陽子曰此經冠于諸經者首尾相應前後相隨故也如上

卷乃天真皇人筆錄玉晨道君序述元始天尊之說而萬世之下得此經誦之者猶如當時親覩其事斯爲妙也本章玉歷二章爲正經三界魔王歌章接于二章之後不屬正經以其大魔試學人之功爲多故參于元洞之末是云音參洞章也此下則天真皇人又述道君之言耳此二章卽混沌赤文元洞玉歷二章混沌赤文明先天元始玄一之還丹元洞玉歷明後天无爲至真之妙道言此二章獨掌不鳴並是諸天上帝无非一陰一陽至靈魔王全資神用隱祕之音玄關一竅大梵之言鉛銀砂汞在經則爲諸天帝魔之隱祕在丹則爲玄牝刀圭之梵言非世上常辭世上愚人開口談道且不

道藏輯要

度人妙經註

卷

元集六

知道爲何物亦不知物爲何用此謂非世上常辭也言无韻麗信言不美曲无華宛華則不實故謂玄奧顏閔雖慧莫猜難可尋詳黃老无師難悟上天所寶首經而已祕于天宮非世常用四萬劫一傳非人不可授至人者乃至聖之人也金寶質心以財易法夫金與寶世之所重愚人以金寶爲命勝人以功名爲命義士以名節爲命至人以道德爲命故至人鍊金液九還神丹乃假金寶以爲法財有法无財事鮮克濟有財无法卽同愚人經法流通法財兩用依格告盟方可付强爲妄作事難全此道用之說也若論世法則未見以金寶爲質信而請經一卷者更四萬劫亦莫之有何以故彼安知

是經有長生久視之道焉若言道用猶或有之何以故彼上
根法器之士宿命因緣於丹經內默有所得未能深達玄旨
忽聞此經妙諦必齎金寶信受不疑夫九還七返之方必外
藥而合內藥若非金寶爲質則安能得此經之妙又安能伏
虎以降龍又安能得先天之炁自虛无中來也凡今之世愚
夫濁子一聞法財必爲大笑便謂修行者要徹骨貧一絲不
掛只從事頑坐流于空寂渢渢此輩直賺到老安知齎金寶
以求妙經是法財兩用之旨希夷真人入室詩曰入室何獨
異金花曰曰開靈苗從地出香藥向天來又云欲慕天中寶
應須動世財蓬萊瑤洞裏醞就九還枯玉鼎真人曰凡俗欲
求天上事尋時須用世間財蓋天中寶天上事是仙家密密
運用之機卻非傍門採取之謬伐瑳迷伽承師教已問云何
爲報師曰若辦五百羯利沙鉢那者足表深心爾時迷伽遍
地尋覓既具集已卽呈偈曰饒財多寶珍眷屬具成就必定
於菩提常安住於法夫伐瑳迷伽爲天人師留此一偈與後
來人證道作佛之眼目非同外道邪魔之行諦觀斯語則此
經必金寶質心而後付方得其妙頌曰一些財利不關心金
寶何爲度得人我是青城親付囑還丹只要虎龍親